



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1415. usque ad annum 1431

**Fleury, Claude**

**August. Vind. [u.a.], 1768**

**VD18 90118294**

§. 69. Puella redire petens, a Rege prohibita.

---

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

morem gerere voluit; indeque tum am-  
pliolem auctoritatem, tum proniorem suo-  
rum subditorum obedientiam, majorem-  
que hostium terrorem sibi conciliavit.

§. LXVIII.

*Plures aliae urbes Galliarum Regi  
subjectae.*

Peracta sacra inauguratione tertium ad-  
huc diem Rhemis egit Carolus, inde  
in Abbatiam D. Marculfi abiit, ad quam  
Franciæ Reges recens coronati solent in-  
visere. Post hæc Velium venit, quo in  
fidem recepto Laudunum, Sueffiones, Ca-  
strum Theodorici, Provinum, Columbu-  
riam, Cressiacum in Bria, pluresque alias  
urbes pertransiit, quæ omnes ad obse-  
quium Regis redierunt: suæ quoque po-  
testati subjecit Bellovacum, Compendium,  
Crepiacum, omnesque civitates totius  
hujus districtus usque ad Parisiensem Me-  
tropolim, quam Bedfordiæ Dux numero-  
so milite munitam tenebat.

§. LXIX.

*Virgo domum redire volens, a Rege  
detenta.*

Tum Virgo ante Regem humi prostrata,  
profusis lacrymis exposuit, liberata  
ab

Sæcul. XV. ab hoste Aurelia, ac Rege in sua Rhemenfi  
A. C. 1429. civitate sacro chrysmate inuncto Dei man-  
 dato, & ejus missioni satisfactum esse,  
 quocirca nil aliud superesse, quam ut ad  
 suos remearet. Potuisset enimvero hac  
 via propriæ suæ salutis consulere, sed tam  
 importunis a Rege urgebatur precibus, ut  
 tandem acquiescens bellum profequere-  
 tur; attamen sinistro ferme semper even-  
 tu, ac irrito conatu: abs dubio, quia non  
 amplius ex speciali Dei impulsu arma ge-  
 rebat.

Rex autem pro navata tam insigni ac  
 Regno Galliæ adeo proficua opera tam  
 illam, quam ejus parentes, tres fratres,  
 totamque illius posteritatem utriusque se-  
 xus perpetuo nobilitatis jure donavit, da-  
 to ea de re diplomate Regio, mense De-  
 cembri currentis anni, mutatoque co-  
 gnomine, & loco d'Arcia, eos *de Lilio*  
 appellari jussit; addidit insuper nobilita-  
 tis insignia, scilicet enssem argenteum in  
 campo cæruleo, cujus capulum & pilam  
 ex auro lilia, ac corona aurea inter duos  
 anullos erecta in cuspide ornabant. Rex  
 quoque largiebatur Virgini prædia quæ-  
 dam ac redditus, ut victu, ac ornatu nobi-  
 lis Filix conditionem æquare posset.